



ՀԱՅԱՍՏԱՆԻ ՀԱՆՐԱՊԵՏՈՒԹՅՈՒՆ
ԳԵՂԱՐՔՈՒՆԻՔԻ ՄԱՐԶՊԵՏ
ՈՐՈՇՈՒՄ

N 83-Ա

12 փետրվարի 2024 թ.

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԳԵՂԱՐՔՈՒՆԻՔԻ ՄԱՐԶՊԵՏԻ
ԱՇԽԱՏԱԿԱԶՄԻ ՔԱՂԱՔԱՇԻՆՈՒԹՅԱՆ, ՀՈՂԱՇԻՆՈՒԹՅԱՆ ԵՎ
ԵՆԹԱԿԱՌՈՒՑՎԱԾՔՆԵՐԻ ԿԱՌԱՎԱՐՄԱՆ ՎԱՐՉՈՒԹՅԱՆ ՓՈՐՁԱԳԵՏԻ
ԱՇԽԱՏԱՆՔԱՅԻՆ ԾՐԱԳԻՐԸ ՀԱՍՏԱՏԵԼՈՒ ՄԱՍԻՆ

Ղեկավարվելով «Տարածքային կառավարման մասին» Հայաստանի
Հանրապետության օրենքի 5-րդ հոդվածի 3-րդ մասի, «Կառավարչական
իրավահարաբերությունների կարգավորման մասին» Հայաստանի
Հանրապետության օրենքի 16-րդ հոդվածի 1-ին մասի, 19-րդ հոդվածի
դրույթներով և հիմք ընդունելով Հայաստանի Հանրապետության
կառավարության 2018 թվականի օգոստոսի 13-ի N 878-Ն որոշմամբ սահմանված
հավելվածի 2-րդ և 7-րդ կետերի պահանջները

որոշում եմ՝

1. Հաստատել Հայաստանի Հանրապետության Գեղարքունիքի մարզպետի
աշխատակազմի քաղաքաշինության, հողաշինության և ենթակառուցվածքների
կառավարման վարչության փորձագետի կողմից իրականացվող աշխատանքային
ծրագիրը՝ համաձայն հավելվածի:

12.02.2024

X

ԿԱՐԵՆ ՍԱՐԳՍՅԱՆ

ՄԱՐԶՊԵՏ՝ Подписано: SARGSYAN KAREN 3710840503



Կ. ՍԱՐԳՍՅԱՆ
ք. Գավառ

Հավելված
Հայաստանի Հանրապետության
Գեղարքունիքի մարզպետի
2024 թ. փետրվարի 12 -ի
83 -Ա որոշման

ԱՇԽԱՏԱՆՔԱՅԻՆ ԾՐԱԳԻՐ

Հայաստանի Հանրապետության Գեղարքունիքի մարզպետի աշխատակազմի քաղաքաշինության, հողաշինության և ենթակառուցվածքների կառավարման վարչության փորձագետի կողմից իրականացվող աշխատանքների

1. Ներգրավման դեպքը և հիմնավորումները

Հայաստանի Հանրապետության Գեղարքունիքի մարզպետի աշխատակազմի քաղաքաշինության, հողաշինության և ենթակառուցվածքների կառավարման վարչությանը **վերապահված գործունեության ոլորտում որոշակի ծրագրերի իրականացման դեպքով պայմանավորված՝** անհրաժեշտություն է առաջացել պայմանագրային հիմունքներով ներգրավել համապատասխան փորձագետ:

2. ՓՈՐՁԱԳԵՏԻՆ ՆԵՐՅԱՅԱՑՎՈՂ ՊԱՀԱՆՋՆԵՐԸ

Բարձրագույն կրթություն, առանց աշխատանքային ստաժի, համակարգչով և ժամանակակից այլ տեխնիկական միջոցներով աշխատելու ունակություն, տիրապետում է ռուսերեն կամ անգլերեն լեզուներին (գերազանց):

3. Աշխատանքների իրականացման ժամանակահատվածը

Փորձագետը ներգրավվում է վեց ամիս ժամկետով:

4. Աշխատանքների ակնկալվող արդյունքը

1) Փորձագետը վեց ամսվա ընթացքում իրականացնելու է ծրագրով նախատեսված աշխատանքներ, մասնավորապես՝

ա) Յուրաքանչյուր սուբլենցիոն ծրագրերի մասով իրականացնել համայնքի և կապալառու կազմակերպության միջև կնքված պայմանագրերի հավաքագրում և մշտադիտարկում:

բ) Կնքված պայմանագրերի մշտադիտարկման և հավաքագրված տվյալների վրա ստեղծել տեղեկատվական բազա՝ կապալառու կազմակերպության տվյալներ, պայմանագրերի կնքման ամսաթվի և պայմանագրով սահմանված աշխատանքները կատարողական ժամկետների ինչպես նաև տեխնիկական հսկողություն իրականացնող կազմակերպության վերաբերյալ և ներկայացնել անմիջական ղեկավարին:

գ) Իրականացնել սուբվենցիոն ծրագրերով իրականացվող աշխատանքների ընթացքի և որակի համապատասխանության ուսումնասիրության այցելություններ յուրաքանչյուր ամիս 2 անգամ յուրաքանչյուր ծրագրի համար:

դ) Բոլոր ծրագրերի ընթացքի վերաբերյալ համապատասխան տեղեկատվություն և լուսանկարներ ներկայացնել անմիջական ղեկավարին ամիսը 2 անգամ:

ե) Ներառել սուբվենցիոն ծրագրերով շինարարական աշխատանքների ընդունող հանձնաժողովի կազմում և սահմանված կարգով մասնակցել հանձնաժողովի աշխատանքներին:

զ) Ծրագրերի ավարտից հետո իրականացնել շահագործման հանձնված օբյեկտների ձեռք բերված մեքենամեխանիզմների, տեխնիկայի և գույքի կիրառման օգտագործման մշտադիտարկման ու որակային արդյունավետության մասով այցելություններ ծրագրերի ավարտից հետո առաջին տարվա ընթացքում:

է) Այցելության արդյունքներով գնահատված արդյունավետության կամ անարդյունավետության, ինչպես նաև շահագործման ընթացքում բացահայտվող թերությունների առկայության մասին եռօրյա ժամկետում տեղեկատվություն ներկայացնել համապատասխան համայնքի ղեկավարին և անմիջական ղեկավարին:

2) Կատարած աշխատանքի արդյունքը գնահատվում է բավարար, լավ կամ գերազանց:

5. Հաշվետվություններ ներկայացնելու ժամկետներ

Փորձագետը երեք ամիսը մեկ ներկայացնում է հաշվետվություններ:

6. Աշխատանքի գնահատման չափանիշներ

Աշխատանքը գնահատվում է ըստ փուլերի՝ երեք ամիսը մեկ և ամփոփիչ փուլ:

Աշխատանքը գնահատվում է երեք ամիսը մեկ ներկայացված հաշվետվությունների հիման վրա, որի արդյունքում երևում է, թե տվյալ ժամանակահատվածում փորձագետն իր առջև դրված խնդիրների որ մասն է իրականացրել:

Գնահատման համար չափանիշերը սահմանվում են ըստ 4-րդ բաժնի 1-ին կետով սահմանված արդյունքների: Համապատասխանաբար, վերջնարդյունքների չափանիշերն են՝

ա) Յուրաքանչյուր սուբվենցիոն ծրագրերի մասով համայնքի և կապալառու կազմակերպության միջև կնքված պայմանագրերը հավաքագրված են և մշտադիտարկում իրականացված է:

բ) Կնքված պայմանագրերի մշտադիտարկման և հավաքագրված տվյալների վրա տեղեկատվական բազա ստեղծված է և ներկայացված է անմիջական ղեկավարին:

գ) Սուբվենցիոն ծրագրերով իրականացվող աշխատանքների ընթացքի և որակի համապատասխանության ուսումնասիրությունը իրականացված է, ամիսը 2 անգամ յուրաքանչյուր ծրագրի համար այցելությունները կատարված են:

դ) Ծրագրերի ընթացքի վերաբերյալ անհրաժեշտ տեղեկատվությունը և լուսանկարները սահմանված ժամկետներում անմիջական ղեկավարին ներկայացված են:

ե) Սուբվենցիոն ծրագրերով շինարարական աշխատանքների ընդունող հանձնաժողովի կազմում թեկնածությունը ներառվել է և սահմանված կարգով մասնակցել է հանձնաժողովի աշխատանքներին:

զ) Ծրագրերի ավարտից հետո շահագործման հանձնված օբյեկտների ձեռք բերված մեքենամեխանիզմների, տեխնիկայի և գույքի կիրառման օգտագործման մշտադիտարկման ու որակային արդյունավետության մասով այցելությունները սահմանված ժամկետներում իրականացված են:

է) Այցելության արդյունքներով գնահատված արդյունավետության կամ անարդյունավետության, ինչպես նաև շահագործման ընթացքում բացահայտված թերությունների առկայության մասին եռօրյա ժամկետում տեղեկատվությունը համապատասխան համայնքի ղեկավարին և անմիջական ղեկավարին ներկայացված է:

12.02.2024

X *John W. Smith*

ՍԵՎԱԿ ԽԼՂԱԹՅԱՆ



ԳԼԽԱՎՈՐ ՔԱՐՏՈՒՂԱՐ՝ Подписано: KHLGHATYAN SEVAK 4007580049
ԽԼՂԱԹՅԱՆ

116444



ՀԱՅԱՍՏԱՆԻ ՀԱՆՐԱՊԵՏՈՒԹՅՈՒՆ
ԳԵՂԱՐՔՈՒՆԻՔԻ ՄԱՐԶՊԵՏԻ ԱՇԽԱՏԱԿԱԶՄ
ԳԼԽԱՎՈՐ ՔԱՐՏՈՒՂԱՐ

ք. Գավառ, Կենտրոնական հրապարակ N 7

Հեռ. 060650035

Կայք gegharkunik.mtad.am

Էլ. փոստ gegharkunik@mta.gov.am

N _____

-----2024թ.

ՀՀ ԳԵՂԱՐՔՈՒՆԻՔԻ ՄԱՐԶՊԵՏԱՐԱՆԻ
ԳԼԽԱՎՈՐ ՔԱՐՏՈՒՂԱՐ
ՊԱՐՈՆ ՍԵՎԱԿ ԽԼՂԱԹՅԱՆԻՆ

Հիմնավորում

ՀՀ Գեղարքունիքի մարզպետի աշխատակազմի Քաղաքաշինության, հողաշինության և ենթակառուցվածքների կառավարման վարչության գործնության ոլորտում խնդիր է դրված վերահսկելու այլ գրատեսչությունների կողմից ՀՀ Գեղարքունիքի մարզի համայնքների տնտեսական և սոցիալական ենթակառուցվածքների զարգացմանն ուղղված քաղաքաշինական ծրագրերի, ինչպես նաև մարզի համայնքների տնտեսական և սոցիալական ենթակառուցվածքների զարգացմանն ուղղված սուբվենցիայի ծրագրերի կատարման գործընթացը:

Վերը նշված ծրագրերի իրականացման դեպքով պայմանավորված անհրաժեշտություն է առաջանում վարչության աշխատանքներին ներգրավել փորձագետ՝ վարչությանը վերապահված գործունեության ոլորտում ծրագրերի պատշաճ կատարման համար:

Հարգանքներով՝

Քաղաքաշինության, հողաշինության և
ենթակառուցվածքների կառավարման վարչություն պետ
Հեռ.0606501619

ՍԱՍՈՒՆ ՍԱՀԱԿՅԱՆ

Գրքերի և փաթեթների պահպանում
ԳԵՂԱՐՔՈՒՆԻՔԻ ՔԱՐՏՈՒՂԱՐ
02 02 2024
Մտնող թիվ 4260-20